

原律

律例根原卷
之一百七

稽留囚徒

一凡應徒流遷徙充軍囚徒斷決後當該原官

司限一十日內如原法式枷杻差人管押牢

固關防發遣所擬地方交割若限外無故稽

留不送者三日笞二十每三日加一等以吏

斷罪止杖六十因積留而在逃者就將當提調

官在俸勒吏抵在犯人本罪發遣後捕獲犯

人到官替役以至配所日疎放別敘○若鄰

境官司有囚遇遞到稽留不即遞送者罪亦如

之稽留者驗日坐罪○若發遣之時提調官

吏不行如法枷杻以致囚徒中途解脫自帶

枷杻在逃者與押解之失囚人同罪分別官吏

百青限○並罪坐所由疎失之人受財者計贓以

枉法從重論統承

原擬今有司疎防犯人脫逃俱勒限緝拿

限內拿獲者即准開復並無犯人捕獲到

官仍行別敘之例應刪去別敘字再起解

人犯今不用枷應將此律內枷杻字改為

鎖杻

臣等謹按此言起解囚徒之不得稽遲也

首節言起解徒流遷徙充軍囚徒當該官

司限外無故稽留及因稽留而致囚徒脫

逃者之罪次節言鄰境官司遇有囚犯遞

解到境稽留不即遞解過鄰者之罪三節

言發遣罪犯之時提調官吏不如法鎖杻

以致囚徒中途解脫在逃者之罪末節即

承第三節而言罪坐所由疎失之人又結
言如受財而稽留及不遞送不如法鎖杻
以致在逃者計入己之贓以枉法從重論

原律
稽留囚徒

一凡應徒流遷徙充軍囚徒斷決後當該原官

司限一十日內如原定法式鎖杻差人管押牢

固關防發遣所擬地方交割若限外無故稽

留不送者三日笞二十每三日加一等以吏

斷罪止杖六十因稽留而在逃者就將當提調

官任俸勒吏抵逃犯人本罪發遣後捕獲犯

人到官替役以至配所日疎放○若鄰境官

司有遇囚遞到稽留不即遞送者罪亦如之稽留

者驗日坐罪致逃者抵罪發遣○若發遣之時提調官吏不

行如法鎖杻以致囚徒中途解脫自帶鎖杻

在逃者與押解失囚人同罪分別官吏罪止杖一百責限擒

捕○並罪坐所由疎失之人受財者計贓以枉法

從重論統承上言

續纂

一凡外遣人犯務令依限解赴如有患病應留

養者山海關以內州縣責成直隸總督查察

山海關以外州縣責成

盛京將軍及奉天府府尹查察必驗明患病確實

具結申請方准照例留養如有本係無病及

病已痊愈率行捏結及漫無覺察任其遷延

者即將各該州縣及該旗員等嚴查叅處并

飭各屬將每年有無患病留養人犯及已未

起解之處按季報明該督該府尹造冊報部

查核直省遞解人犯一體照此辦理

等謹按此條係乾隆二十四年十二月

內 臣 部 議 覆

盛京兵部侍郎果爾敏條奏定例應纂輯以便
遵行

續纂

一 凡隔省遞籍人犯該州縣一面發遞一面關
會原籍并知照經過地方官無論長解短解
務遵定例加差轉遞各該州縣仍於季底將
有無遞解過某省人犯若干名造冊由府彙
詳督撫分咨各省轉行查核照案咨覆其本

省遞解人犯亦責成各州縣彼此關覆查結
臣等謹按此條係乾隆二十八年十月內
江西布政使富明安條奏定例應纂輯遵
行

刪除

一 秋審人犯解省之時俱令各州縣徑行解司
仍報明該管各府審後亦即由司給發護牌
分發各州縣收禁仍彙文行知各該府
一 各省起解秋審人犯各州縣如有相距在七

十里以外不及收禁者該地方官預期選擇
幹役前赴寄宿之處傳齊地保知會營汛同
原解兵役支更巡邏防範審後發回一體辦
理倘有疎脫及縱犯等情將各該役俱照原
解兵役一體治罪

一直省委員押解秋審人犯止令逐程交替不
必長解守候其交替之時將人犯并解役當
面點交前站委員收明始回本地其審畢發
回時亦照此逐程發遞

臣等謹按秋審人犯現定新例令各該道
員遍歷所屬審勘毋庸提解卽或遇有清
罪未協臨時呼冤人犯應行解往院司覆
審者似應仍照押解斬絞人犯招解之例
辦理以上三條係押解秋審人犯招解之
例擬合刪除

續纂

凡軍流徒罪以奉文日爲始定限兩個月起
解如實係患病逾限不能起解准將緣由詳

明督撫咨部查核其病限不得過百日若過
限不行發解者將州縣官及未經行催之上
司分別議處

臣等謹按此條係乾隆三十七年九月內

吏部議覆浙江按察使郝碩條奏定例應
纂輯遵行

稽留囚徒

原例

一凡軍流徒罪以奉文日為始定限兩個月起
解如實係患病逾限不能起解准將緣由詳
明督撫咨部查核其病限不得過百日若過
限不行發解者將州縣官及未經行催之上
司分別議處

臣等謹按嘉慶二十年八月二十七日軍
機大臣字寄奉

諭向來京城發遣之犯皆於奉旨後卽行起解雖大員獲罪擬遣者亦從不敢耽延乃近日外省發遣人犯竟有藉詞遷延遲至一年半載起解者殊屬怠玩著兵部刑部堂官會同查明舊例如原定例限本寬卽著改加緊押令迅速起程不得藉詞逗遛以杜捏飾欽此當經刑部會同兵部詳請嗣後外省發遣官常各犯及發往軍台効力贖罪廢員與軍流徒罪人犯於文到之日均限一個月卽行起解勿

得任其逗遛仍令各該督撫將各犯起解月日逐一分別按季彙報刑部兵部備查如有遲逾卽行指參其各犯實有患病逾限不能起解者地方官驗看屬實加且并無捏飾印甘各結詳明督撫起限亦不得過兩個月該督撫亦卽咨部彙核如有假捏及逾限不行起解者別經發覺將該州縣及失察之各上司分別交部議處等因奏准遵行又二十四年正月內調任山西

道監察御史蔣雲寬奏請嗣後各省軍流等犯定地發配及到配安置俱令專咨報部仍於年終逐案摘敘事由造冊彙報以備稽查等因各在案應於例內修改明晰以便引用謹將修改例文開列於後

修改

一外省發遣官常各犯及發往軍台効力贖罪廢員與軍流徒罪人犯於文到之日均限一個月卽行起解勿得任其逗遛各該督撫將

各犯起解月日專咨報部仍逐一分別年終彙報刑部兵部備查如有遲逾卽行指參如實有患病逾限不能起解者地方官驗看屬實加具並無捏飾印甘各結詳明督撫起限亦不得過兩個月該督撫亦卽咨部查核如有假捏及逾限不能起解者別經發覺將該州縣及失察之各上司分別交部議處

稽留囚徒

原例

一外省發遣官常各犯及發往軍台効力贖罪
廢員與軍流徒罪人犯於文到之日均限一
個月卽行起解勿得任其逗遛各該督撫將
各犯起解月日專咨報部仍逐一分別年終
彙報刑部兵部備查如有遲延卽行指叅如
實有患病逾限不能起解者地方官驗看屬
實加具並無捏飾印甘各結詳明督撫起限

亦不得過兩個月該督撫亦即咨部查核如有假捏及逾限不行起解者別經發覺將該州縣及失察之各上司分別交部議處

臣等謹按道光二年三月內臣部遵

旨刪減冊籍案內以各省遣軍流徒人犯起解日期俱經專咨報部其年終似可毋庸彙報請將前項冊籍刪除奏准在案所有例內仍於年終彙報之處應行節刪謹將修改例文開列於後

修改

一外省發遣官常各犯及發往軍台効力贖罪廢員與軍流徒罪人犯於文到之日均限一個月即行起解勿得任其逗遛各該督撫將各犯起解月日專咨報部如有遲逾即行指參倘實因患病逾限不能起解者地方官驗看屬實加具並無捏飾印甘各結詳明督撫起限亦不得過兩個月該督撫亦即咨部查核如有假捏及逾限不能起解者別經發覺

將該州縣及失察之各上司分別交部議處

稽留囚徒

續纂

一各省遞解人犯如遇前途水阻及另有事故不能前進卽由附近州縣詳報該省督撫察看情形屬實迅卽飛咨鄰省截留不准州縣擅自知會仍飭令最近之州縣將接到人犯分別監獄大小酌留一二十名再令各上站挨次畱禁由該州縣開具犯各事由申報該省上司咨報查考一俟前路疏通卽行起解

如有州縣擅用公文私信知會上站截留即由該督撫據實嚴叅

臣等謹按道光十二年六月內據陞任安徽巡撫鄧廷楨咨稱湖南省搖匪滋事之處相距安省甚遠雖有截留之文仍須接遞前進俟該處最近州縣暫禁二十名移知下站挨次照數截留方為正辦無奈各處俱不遵照舊章一經得有截留之信輒行抗不接遞紛紛退回實屬不成事體請

明立科條等因經部恭查是年四月間據直隸總督琦善奏直隸解發各省人犯請飭湖南等省照依舊章挨次暫禁一摺奉

上諭琦善奏直省解發各省人犯請飭湖南等省照依舊章挨次暫禁一摺所奏是直隸切近京畿路居四達所有解發京控原告及軍流人犯必須逐程轉遞方不致有擁擠茲據奏河南安陽等縣以凍河漫水及湖南搖匪滋事將人犯

一併截回查從前立定章程各州縣如遇水阻
卽飛咨鄰省截留不准擅自知會其應解人犯
由發水最近州縣分別留禁此次逆獠滋事係
在湖南永州府屬地方與河南中隔湖北一省
相距甚遠着河南湖北湖南各督撫察看情形
如實有道路難行之處卽照舊定章程先由湖
南附近永州府各州縣分別監獄大小將監犯
配禁一二十名再令各上站挨次留該州縣開
具犯名事由申報該省上司咨報查考一俟前

路疏通卽行起解如有州縣擅用公文私信知
會上站截留者卽據實嚴叅以肅政體欽此自
應欽遵

諭旨立定章程以昭畫一議令嗣後各省遞解人
犯如遇前途水阻及另有事故不能前進
卽由附近州縣詳報該省督撫察看情形
屬實迅卽飛咨鄰省截留不准州縣擅自
知會仍飭令最近之州縣將接到人犯分
別監獄大小酌留一二十名再令各上站

挨咨留禁由該州縣開具犯各事由申報
該省上司咨報查考一俟前路疏通卽行
起解如有州縣擅用公文私信知會上站
截留卽由該督撫據實嚴奏等因通行直
省各督撫遵照在案應纂專條以昭遵守

稽留囚徒

續纂

一凡各省距省窳遠之各廳州縣間擬遣軍流
犯各督撫於出咨後卽令造冊先行定地並
發給咨牌存俟奉到部覆卽行簽差起解不
准稍有稽滯仍將發給咨牌並起解日期報
部查覈

原律
主守不覺失囚

一 凡獄卒不覺失囚者減囚原犯罪二等以囚

最重者若囚自內反獄在逃又減不覺罪二等罪之

為坐聽給限一百日戴追捕限內能自捕得及他

人捕得若囚已死及自首獄皆免罪司獄官

典減獄卒罪三等其提牢官曾經躬親逐一

點視罪囚枷鎖杻俱已如法取責獄官獄卒

牢固收禁文狀者不坐若提牢官不曾點視

於該日主守不覺

以致失囚

反者

者與獄官同罪

若提牢官故縱

者不給捕限

役

各與囚同罪

至死減等罪未

斷之間能自捕得及他人捕得若囚已死及

自首各減

罪

一等受財

故者計賊以枉法從

重論○若賊自外入

獄

劫囚力不能敵者

各免罪

○

若押解

在

罪囚中途不覺失囚者

罪亦如之

如獄卒減二等仍責復捕獲免罪如有故縱及受財者並與獄卒同

罪係劫者免科

原擬監犯今不用枷應刪去枷字

臣等謹按此重典守獄囚之責也首節定

失囚之罪獄卒不覺失囚雖失於看守而

原其無縱放之心故得減囚罪二等罪囚

自內反獄雖失於防範而原其無制馭之

力故又減失囚罪二等二項皆贖給限追

捕限內能自捕得及他人捕得或囚已死

及囚自首即皆免罪至限外不獲方坐獄

卒以減等之罪而司獄官典不覺失囚又

減獄卒罪三等反獄又減囚罪七等其提

牢官曾經躬親點視鎖杻如法取有獄官
 獄卒牢固收禁文狀失囚反獄俱不坐惟
 該日不會點視取有文狀以致失囚反獄
 者與獄官同罪若故縱則不給限於提牢
 司獄官典獄卒之中究其故縱之人各與
 囚同罪未斷決之間能自捕得及他人捕
 得若囚已死及自首各減囚罪一等雖囚
 罪至死亦止減一等因受財而故縱者計
 贓以枉法從重論總以其有心而故縱也

次節定劫囚之條賊眾聚黨持仗自外入
 獄劫囚者此變生不測力不能敵又非不
 覺失囚之比故提牢官司獄官吏典獄卒
 俱得免罪末節定解囚之條在獄罪囚押
 解赴審於中途不覺而失者亦如獄卒失
 囚減二等之罪故縱受財並與獄卒同科
 此押解係死罪重囚故與徒流人逃條內
 不覺失囚罪止滿杖者不同再枷犯脫逃
 看守人役亦照此律擬斷其該管官曾經

躬親點視取責文狀者亦得不坐如不曾點視並故縱受財者亦俱照此律擬斷

臣等謹按康熙四十八年二月內刑部會

覆押解人犯中途脫逃事理類於此律謹

擬節錄於後

續增現行例

一凡押解人犯中途脫逃者短解及護送營兵俱照長解治罪

原律

主守不覺失囚

一凡獄卒不覺失囚者減囚_之罪二等_{以囚罪之}

最重者若囚自內反獄在逃又減_罪二等

聽給限一百日追捕限內能自捕得及他

人捕得若囚已死及自首_卒皆免罪司獄官

典減獄卒罪三等其提牢官曾經躬親逐一

點視罪囚鎖杻俱已如法取責獄官獄卒牢

固收禁文狀者不坐若_{提牢官於該日}不曾點視以

致失囚反者與獄官同罪若提牢官獄卒官典故縱者

不給捕限官役各與囚同罪至死減等罪雖坐定若未斷

之間能自捕得及他人捕得若囚已死及自

首各減罪一等受財故者計贓以枉法從重

論○若賊自外入獄劫囚力不能敵者官役

免罪○若押解在罪囚中途不覺失囚者罪

亦如之如獄卒減二等仍責限捕獲免罪如有故縱及受財者並與囚同罪係劫

者免科

臣等謹按第三節小註內與囚同罪雍正

五年刻本誤刊與獄卒同罪義不可解

照輯註諸書改正

條例

一凡押解人犯中途脫逃者短解及護送營兵

俱照長解治罪

一凡發遣黑龍江寧古塔等處人犯沿途官員

親身不行押解交與兵丁解送或不謹慎看

守以致罪人脫逃者官交部嚴加議處將兵

丁照律治罪再加枷號一個月

一枷號人犯脫逃看守人役亦照律擬斷

臣等謹按此條係總註足補律所未備今

另纂為例以便引用

續纂

一凡斬絞重犯在監脫逃審係禁卒賄縱者即視其所縱囚犯之罪全律科斷如本犯應入秋審情實者亦入情實應絞決者亦擬絞決應斬決以上者亦即擬以斬決其非得賄故縱者仍照本律科斷

臣等謹按此條係乾隆十八年十月內臣

部議覆陞任河南巡撫蔣炳題禁卒陳得

魁賄縱申玠等越獄一案欽奉

諭旨應恭纂為例以便遵行

續纂

一凡解審斬絞重犯在途開放鎖鑰以致脫逃

本犯未獲者即將解役究審嚴行監禁俟拿

獲正犯之日究明賄縱屬實即將該役照所

縱囚罪全科如無賄縱情弊審有違例雇替

託故潛回無故先後散行止任一人押解以致脫逃者亦照故縱律與囚同罪不准照舊例減囚罪二等問擬果係依法管解偶致疎脫審有確據者除依律治罪外仍勒限緝拏他人捕得亦不准依律寬免簽差不慎之地方官視解役所得之罪分別從重議處

臣等謹按此條係乾隆二十五年四月內臣部奏准定例及五月內議覆浙江按察使李治道條奏定例應纂輯以便遵行

續纂

一禁卒除賄縱獄囚依律全科果係依法看守偶致疎脫者仍依律減囚罪二等治罪外其有將在監斬絞重犯鬆放獄具以致脫逃審出鬆放之人將該禁卒嚴行監禁俟拿獲正犯之日究明賄縱屬實卽照所縱囚罪全科如係徇情鬆放獄具或託故擅離或倩人代守防範疎懈乘間潛逃者亦照故縱律治罪不准照舊例減囚罪二等問擬

臣等謹按此條係乾隆二十九年三月內直隸按察使裴宗錫條奏定例應纂輯遵

行

一疎脫斬絞重犯之解役如果審係依法管解偶致疎脫除短解兵役仍照律減二等間擬外將長解二名均暫行監禁本官另選幹役押同原解之親屬上緊躡緝酌限一年如能限內拿獲審無賄縱別情仍將該役依例減二等擬徒或限內無獲卽照逃犯本罪減一

等間擬滿流

臣等謹按此條係乾隆二十九年五月內

廣西按察使袁守侗條奏定例應纂輯遵

行

一押解新疆人犯如有中途脫逃除有心賄縱仍照與囚同罪例定擬外如係疎縱將解送官兵人役監禁以俟緝獲之犯治其應得之罪若一年限滿無獲縣爲首情重者改發伊犁等處給與兵丁爲奴其餘爲從情輕之犯

仍以杖流問擬其由新疆改發烟瘴及黑龍江等處人犯如有疎縱亦照此例辦理

臣等謹按此條係乾隆二十七年十月庫車辦事大臣鄂寶審奏解往回城罪犯六十七中途脫逃一案欽奉

諭旨及三十二年四月臣部具奏江西省解役楊銘福建省兵丁張金萬疎脫新疆人犯一年限滿無獲請

旨正法案內欽奉

諭旨併纂爲例以便遵行

一疎縱解審軍流徒犯之役卒如審係受賄故縱者卽以囚罪全科賊多者以枉法從重論若止一時疎縱及因別故致逃並無受賄故縱者給限百日追捕限內捕得者將長解役卒減二等問擬短解免罪若限滿無獲將長解短解內之違例雇替等項人役減囚罪一等問擬餘皆照律減二等治罪

臣等謹按此條係乾隆二十九年九月內

浙江巡撫熊學鵬咨請 臣部照各條現行則例酌定咨覆並通行各省在案應請纂爲定例以便引用合併聲明

續纂

一直隸等省如遇緊要官犯等類務擇現任文武員弁派委押解其試用効力未經歷練者概不准濫行派委如有違例濫派以致疎失者除押解之員按照律例分別議罪外仍將原派之文武各上司分別有無誤失交部議

處

臣等謹按此條係乾隆三十四年十二月內江南道監察御史胡 條奏定例應纂輯以便遵行

一監犯越獄如獄卒實係一時疏忽偶致脫逃並無賄縱情弊審有確據者依律減囚罪二等仍給限一百日限內能自捕得准其依律免罪如他人捕獲或囚已死及自首概不准免罪

臣等謹按此條係乾隆三十五年三月內
欽奉

上諭命臣部核改定例應纂輯以便遵行

一解役疎脫應擬斬絞重犯審有違例雇替託
故潛回情事應照故縱律與囚同罪者如疎
脫之犯案情未定將解役牢固監候俟逃犯
拿獲定罪再行照例辦理

臣等謹按此條係乾隆三十五年臣部審
擬河南省解役薛法唐李奉舉遞解重犯

周四中途脫逃一案因周四商同謀殺掌
郎之處尙未到案質審定罪將薛法唐等
擬絞入於秋審緩決具題奉

旨薛法唐李奉舉脫逃遞犯周四案情未定不應
卽入緩決者牢固監候欽此應恭纂爲例以便
遵行

續纂

一押解斬絞立決及秋審擬入情實重犯如不
小心簽解致解役有違例雇替開放鎖繯縱

囚脫逃者將簽差長解之州縣官照獄卒縱
 脫重犯管獄官杖八十徒二年例減一等杖
 七十徒一年半其撥兵護解之武職如所撥
 兵丁亦有雇替情節卽與州縣一例杖徒

臣等謹按此條係乾隆四十三年十一月
 內湖廣總督三寶等奏穀城縣解役喬清
 押解秋審斬犯王長違例雇替以致中途
 縱放將簽差不慎之穀城縣知縣邱德孚
 千總詹如侯革職一案欽奉

上諭據三寶等奏審擬穀城縣知縣邱德孚於起
 解斬犯王長時簽差不慎致解役疎縱脫逃捏
 稱落水一摺已批交該部議奏矣州縣審解重
 犯理應簽派妥役飭令小心管押乃邱德孚漫
 不經心聽憑解役出錢雇替以致中途縱放重
 囚非尋常簽差不慎可比其點派兵丁致令雇
 替之千總詹如侯亦然僅予革職不足蔽辜著
 該部將邱德孚詹如侯另行擬罪具奏並著爲
 例欽此當經臣部將知縣邱德孚千總詹如侯

大清律例 卷之五 捕亡 七 主守不覺

比照獄卒疎脫重犯管獄官杖八十徒二年例減一等擬以杖七十徒一年半並奏請定例在案應纂為例以便遵行

臣等又按解審斬絞重犯中途脫逃簽差及護解各官從前辦理章程悉皆叅革留於該處協緝一年限滿不獲照例科罪嗣於乾隆五十三年八月內雲貴總督富綱等奏疎縱解審絞犯那木帕中途脫逃一年限滿無獲將叅革留於地方協緝之長

解官同知書圖等交部治罪一案欽奉

諭旨令 臣部另行妥議具奏等因當經 臣等奏請

嗣後凡罪應斬絞等重犯解審越獄脫逃將簽差護解及有獄管獄各官俱留於該處協同緝緝嚴立十年五年期限如限內不獲悉視解役禁役所得之罪分別間擬軍臺滿徒等因具奏奉

旨依議欽遵在案是原例內簽差護解之文武各官縱囚脫逃僅擬杖徒之例業已不用應

行刪除再查縱囚中途脫逃其撥兵護解之武職例應與州縣一體問罪又解審及越獄重犯脫逃如係他人捕得例不准其免罪自應俱行添纂入例又解審斬絞重犯中途脫逃原載於主守不覺失囚門內羈禁斬絞重犯越獄脫逃原載於獄囚脫監及反獄在逃門內自應將新定各條按門分載以昭明晰今將增輯分纂各例文開列於後

續纂

一解審罪應凌遲斬絞立決監候重犯中途脫逃簽差不慎之長解官及撥兵添差護解之地方文武各官俱叅革職於該處協緝年限滿不獲審係解役賄縱故縱脫逃者協緝各官俱發往軍台効力贖罪若審明解役並無賄縱故縱情事果係依法管解偶致疎縱脫逃者協緝各官擬以杖一百徒三年如所限五年期內該員等能將正犯全行拿獲該

督撫給咨送部引

見請

旨開復倘一犯不獲及他人捕得者仍照例科罪至軍流等犯解審脫逃其簽差護解各官仍照舊例交部分別議處

獄囚脫監及反獄在逃

續纂

一羈禁罪應凌遲斬絞立決監候重犯越獄脫逃將有獄及管獄各官俱叅革畱於該地方

協緝十年限滿不獲審係禁役賄縱故縱脫逃者協緝各官俱發往軍台効力贖罪若審明禁役並無賄縱故縱情事果係依法看守偶致縱囚脫逃者協緝各官擬以杖一百徒三年如所限十年期內該員等能將正犯全行拏獲該督撫給咨送部引

見請

旨開復倘一犯不獲及他人捕獲者仍照例科罪至軍流等犯越獄脫逃其有獄管獄各官仍照

舊例交部分別議處

主守不覺失囚

原例

一凡押解人犯中途脫逃者短解及護送營兵俱照長解治罪

一疎縱解審軍流徒犯之役卒如審係受賄故縱者即以囚罪全科贓多者以枉法從重論若止一時疎脫及因別故致逃並無受賄故縱者給限百日追捕限內捕得者將長解役卒減二等間擬短解免罪若限滿無獲將長

解短解內之違例雇替等項人役減囚罪一等問擬餘皆照律減二等治罪

臣等謹按押解人犯中途脫逃短解及護送營兵俱照長解治罪係康熙四十八年定例嗣於乾隆二十九年臣部議覆浙江巡撫熊學鵬咨請部示案內聲明若止一時疎脫並無受賄故縱者百日限內捕得將長解減二等問擬短解免罪若限滿無獲將長解短解內之違例雇替等項人役

減囚罪一等問擬餘皆照律減二等治罪等因纂爲條例遵行在案是長解與短解治罪例應分別辦理前條舊例業已不用應行節刪又查違例雇倩以致失囚之案其受雇之人應與同行之長解短解俱減囚罪二等後條例內末句餘字語意含混應分別申敘合併聲明謹將修併例文開列於後

修併

一凡解審軍流徒犯中途脫逃者如審係役卒受賄故縱卽以囚罪全科賊多者以枉法從其重者論若止一時疎脫及因別故致逃並無受賄故縱者給限百日追捕限內捕得者將長解役卒減二等問擬短解免罪若限滿無獲將長解短解內之起意違例雇倩者減囚罪一等問擬其同行之長解短解及受雇之人皆減二等治罪

原例

一凡斬絞重犯在監脫逃審係禁卒賄縱者卽視其所縱囚犯之罪全科斷如本犯應入秋審情實者亦入情實應絞決者亦擬絞決應斬決以上者亦卽擬以斬決其非得賄故縱者仍照本律科斷

一禁卒除賄縱獄囚依律全科果係依法看守偶致疎脫者仍依律減囚罪二等治罪外其有將在監斬絞重犯鬆放獄具以致脫逃審出鬆放之人將該禁卒嚴行監禁俟拿獲正

犯之日究明賄縱屬實卽照所縱囚罪全科如係徇情鬆放獄具或託故擅離或倩人代守防範疎懈乘間潛逃者亦照故縱律治罪不准照舊例減囚罪二等問擬

臣等謹按前條係乾隆十八年定例後條係乾隆二十八年定例查禁卒賄縱獄囚必照後條所稱先行監禁係拏獲逃囚審明後再行照律全科前條應擬情實者亦人情實應絞決者亦擬絞決應斬決以上

者亦卽擬以斬決等語係指逃囚以獲審係賄縱者而言例內並未分晰應修併一條以昭賅備而免牽混謹將修併例文開列於後

修併

一凡罪囚在獄脫逃果係依法看守偶致疎脫非得賄故縱者看守之禁卒依律減囚罪二等治罪其有將在監斬絞重犯鬆放獄具以致脫逃將鬆放之該禁卒嚴行監禁俟拏獲

逃犯之日突明賄縱屬實卽照所縱囚罪全科本犯應入秋審情實者亦入情實應絞決者亦擬絞決應斬決以上者亦卽擬以斬決如係徇情鬆放獄具或托故擅離或倩人代守防範疎懈乘間潛逃者亦照故縱律與囚同罪至死減一等不准照舊例減囚罪二等問擬

原例

一凡解審斬絞重犯在途開放鎖鑰以致脫逃

本犯未獲者卽將解役究審嚴行監禁俟拿獲正犯之日究明賄縱屬實卽將解役照所縱囚罪全科如無賄縱情弊審有違例雇替託故潛回無故先後散行止任一人押解以致脫逃者亦照故縱律與囚同罪不准照舊例減囚罪二等問擬果係依法管解偶致疎脫審有確據者除依律治罪外仍勒限緝拏他人捕得亦不准依律寬免簽差不慎之地方官視解役所得之罪分別從重議處

一疎脫斬絞重刑之解役如果審係依法管解
偶致疎脫除短解兵役仍照律減二等間擬
外將長解二名均暫行監禁本官另選幹役
押同原解之親屬上緊躡緝酌限一年如能
限內拿獲審無賄縱別情仍將該役依例減
二等擬徒或限內無獲即照逃犯本罪減一
等間擬滿流

臣等謹按前條係乾隆二十五年定例後
條係乾隆二十九年定例查解審斬絞重

犯依法管解偶致疎脫前條例稱解役依
律治罪係指減囚罪二等間擬後條續定
有依法管解偶致疎脫將長解監禁另選
幹役躡緝限內緝獲審無賄縱將解役減
二等擬徒如限內無獲即照逃犯本罪減
一等擬流與前條依律治罪之處互相歧
異應修併一條以免牽混謹將修併例文
開列於後

修併

大清律例卷之六
三
三年
六年
失四

一凡解審斬絞重犯在途開放鎖鑰以致脫逃本犯未獲者即將解役究審嚴行監禁俟拿獲正犯之日究明賄縱屬實即將解役照所縱囚罪全科如無賄縱情弊審有違例雇替託故潛回無故先後散行止任一人押解以致脫逃者亦照故縱律與囚同罪不准照舊例減囚罪二等問擬果係依法管解偶致疎脫審有確據者除短解兵役依律減二等治罪外將長解二名暫行監禁本官另選幹役

押同原解之親屬上緊躡緝酌限一年如能限內拿獲審無賄縱別情仍將長解依律減二等擬徒或限內無獲卽照逃犯本罪減一等問擬滿流他人捕得亦不准依律寬免簽差不慎之地方官視解役所得之罪分別議處

原例

一押解新疆人犯如有中途脫逃除有心賄縱仍照與囚同罪例定擬外如係疎縱將解送

官兵人役監禁以俟緝獲逃犯治其應得之罪若一年限滿無復將爲首情重者改發伊犁等處給與兵丁爲奴其餘爲從情輕之犯仍以杖流問擬其由新疆改發烟瘴及黑龍江等處人犯如有疎縱亦照此例辦理

臣等謹按此條係乾隆三十二年定例查疎脫斬絞重犯之解役例內係暫行監禁另選幹役跣緝一年限內挈獲將解役減二等擬徒或限內無獲卽照逃犯本罪減

一等擬流此條押解新疆遣犯脫逃一年限滿無獲將爲首解役改發新疆爲奴爲從問擬杖流是疎脫新疆遣犯解役擬罪反重於疎脫斬絞人犯殊未平允應援照疎脫斬絞人犯之例分別限內有無挈獲酌量減等以昭允協謹將修改例文開列於後

修改

一押解新疆人犯如有中途脫逃除有心賄縱

仍照與囚同罪例定擬外如係疎縱將解送官兵人役監禁以俟緝獲逃犯治其應得之罪若一年報滿無獲將為首者照逃犯本罪減一等問擬其餘為從之犯仍照律減二等發落其由新疆改發烟瘴及黑龍江等處人犯如有疎縱亦照此例辦理

原例

一凡發遣黑龍江寧古塔等處人犯沿途官員親身不行押解交與兵丁解送或不謹慎看

守以致罪人脫逃者官交部嚴加議處將兵丁照律治罪再加枷號一個月

臣等謹按此條係押解黑龍江尋常遣犯脫逃兵役分別治罪之例查疏縱黑龍江遣犯將解役監禁勒限無獲減逃犯本罪一等問擬另有專條係指疏脫在逃被獲例應正法之犯而言至尋常遣犯解配脫逃解役照徒流人逃本律問擬再加枷號一個月已屬允協各省辦理原無歧誤惟

例內兵丁照律治罪語意含混恐與另條
隔礙理合申敘明晰以便引用謹將修改
例文開列於後

修改

一凡發遣黑龍江寧古塔等處人犯沿途官局
並不親身押解交與兵丁解送或不謹慎看
守以致罪人脫逃者官交部嚴加議處將兵
丁照徒流人逃本律治罪再加枷號一個月

原例

一監犯越獄如獄卒實係一時疏忽偶致脫逃
並無賄縱情弊審有確據者依律減囚罪二
等仍給限一百日限內能自捕得准其依律
免罪如他人捕獲或囚已死及自首概不准
免罪

一凡罪囚在獄脫逃果係依法看守偶致疎脫
非得賄故縱者看守之禁卒依律減囚罪二
等治罪其有將在監斬絞重犯鬆放獄具以
致脫逃將鬆放之該禁卒嚴行監禁俟拏獲

逃犯之日突明賄縱屬實卽照所縱囚罪全科本犯應入秋審情實者亦入情實應絞決者亦擬絞決應斬決以上者亦卽擬以斬決如係徇情鬆放獄具或托故擅離或倩人代守防範疎懈乘間潛逃者亦照故縱律與囚同罪至死減一等不准照舊例減囚罪二等問擬

臣等謹按以上二條均係監犯越獄脫逃獄卒治罪之例後條偶致疏脫禁卒減囚

罪二等卽係前條例文語意重複應將前條刪去歸入後條以昭簡易謹將修改例文開列於後

修併

一凡監犯越獄如獄卒果係依法看守一時疏忽偶致脫逃並無賄縱情弊審有確據者依律減囚罪二等治罪仍給限一百日限內能自捕得准其依律免罪如他人捕獲或囚已死及自首概不准免罪其有將在監斬絞重

法看守一時疏忽偶致脫逃並無賄縱情弊者依律減囚罪二等仍給限一百日限內能自捕得准其依律免罪等語是解役與獄卒同一疏脫罪囚而限內自行捕獲之獄卒既依律免罪則限內自行捕獲之解役事同一例若減罪二等擬斷已屬參差且違例雇倩之解役僅有限滿無獲之條而於限內拏獲並無作何治罪明文若概照親身管解者一律問擬亦覺無所區

別臣等公同酌議應請將解役能於限內捕得均依律免罪若限滿無獲長解減囚罪二等短解減三等如審係違例雇倩限內捕得將起意違例雇倩之犯減囚罪二等餘皆免罪若限滿無獲起意違例雇倩者減一等餘皆減二等治罪均於例內添纂明晰以昭賅備而便引用謹將修改例文開列於後

修改

捕亡 主守不覺

一凡解審軍流徒犯中途脫逃審係得卒受賄
故縱卽以囚罪全科贓多者以枉法從其重
者論如係依法管解偶致疏脫者給限百日
能於限內捕得均依律免罪若限滿無獲長
解減囚罪二等短解減三等倘審有違例雇
倩情弊亦給限百日限內捕得將起意違例
雇倩之犯減囚罪二等餘皆免罪若限滿無
獲起意違例雇倩者減囚罪一等餘皆減二
等

原例

一押解新疆人犯如有中途脫逃除有心賄縱
仍照與囚同罪例定擬外如係疎縱將解送
官兵人役監禁以俟緝獲逃犯治其應得之
罪若一年限滿無獲將爲首者照逃犯本罪
減一等問擬其餘爲從之犯仍照律減二等
發落其由新疆改發烟瘴及黑龍江等處人
犯如有疎縱亦照此例辦理

臣等謹按嘉慶二十三年六月內據原任

河南巡撫和舜武咨澠池縣接遞擬發回
城遣犯張米貴中途脫逃一案原咨內稱
張米貴將來緝獲止應在配枷號例不正
法將疏脫之兵役王萬春等依主守不覺
失囚一名律杖六十再加枷號一個月等
因咨部當經臣部查新疆遣犯舊例一經
脫逃卽應正法故解役之罪綦重茲新疆
逃遣一項除免死盜犯脫逃被獲仍行正
法外其尋常發遣人犯如有脫逃新例止

枷號三個月並不概予正法逃犯之罪輕
則解役之罪不應獨重議合嗣後押解新
疆人犯中途脫逃係免死減等例應正法
盜犯仍照舊例將解送兵役分別賄縱疎
縱爲首爲從治罪如係尋常遣犯押解之
兵丁照徒流人逃本律杖六十再加枷號
一個月故縱賄縱者仍照律與囚同罪其
由新疆改發烟瘴及黑龍江等處人犯如
有疏縱亦照此分別辦理等因通行遵照

大清律例卷之五
刑律三十五
刑部
在案應於例內修改明晰以便引用謹將
修改例文開列於後

修改

一押解新疆人犯中途脫逃係免死減等例應
正法之盜犯除有心賄縱仍照與囚同罪例
定擬外如係疎縱將解送官兵人役監禁俟
緝獲逃犯治其應得之罪若一年限滿無獲
將爲首者照逃犯本罪減一等問擬其餘爲
從之犯仍照律減二等發落如係尋常遣犯

卽將押解之兵役照徒流人逃本律杖六十
再加枷號一個月故縱賄縱者仍照律與囚
同罪其由新疆改發烟瘴及黑龍江等處人
犯如有疎縱亦照此分別辦理

原例

一凡解審斬絞重犯在途開放鎖鑰以致脫逃
本犯未獲者卽將解役究審嚴行監禁俟拿
獲正犯之日究明賄縱屬實卽將解役照所
縱囚罪全科如無賄縱情弊審有違例雇替

託故潛回無故先後散行止任一人押解以致脫逃者亦照故縱律與囚同罪不准照舊例減囚罪二等問擬果係依法管解偶致疎脫審有確據者除短解兵役依律減二等治罪外將長解二名暫行監禁本官另選幹役押同原解之親屬上緊躡緝酌限一年如能限內拿獲審無賄縱別情仍將長解依律減二等擬徒或限內無獲即照逃犯本罪減一等問擬滿流他人捕得亦不准依律寬免竇

差不慎之地方官視解役所得之罪分別議處

臣等謹按嘉慶二十三年正月內前任山東巡撫陳預咨兵役王桂李兆林等接遞解審斬犯李建剛中途脫逃監禁已滿十年擬流咨部一案經臣部議請嗣後解審斬絞重犯解役受賄徇情故縱以致脫逃本犯旋即就獲質審明確分別依律定擬外其在途開放鎖鑰以致脫逃本犯未獲

大清律例
刑部
嘉慶二十四年
者將解役究審嚴行監禁俟拏獲正犯之日究明賄縱屬實將解役照所縱囚罪全科如無賄縱情弊仍照故縱律與囚同罪至死減一等發落倘監禁已至十年正犯尙未拏獲將解役照流犯監候待質十年限滿之例先行發配俟緝獲正犯質明分別辦理如十年限內遇有

恩旨不准查辦其並未開放鎖鑰倘審有違例雇替托故潛回無故先後散行止任一人押

解以致脫逃者將違例雇替潛回散行之解役卽照故縱律與囚同罪至死減一等發落不准照舊例減囚罪二等間擬果係依法管解偶有疎脫審有確據者仍分別長解短解照舊例辦理等因奏准通行在案應於例內修改明晰以資引用謹將修改例文開列於後

修改

一解審斬絞重犯除解役受賄徇情故縱以致

脫逃本犯旋即就獲質審明確分別依律定擬外其在途開放鎖鑰以致脫逃本犯未獲者將解役究審嚴行監禁俟拿獲正犯之日究明賄縱屬實將解役照所縱囚罪全科如無賄縱情弊仍照故縱律與囚同罪至死減一等發落倘禁監已至十年正犯尙未拿獲將解役照流犯監候待質十年限滿之例先行發配俟緝獲正犯質明分別辦理如十年限內遇有

怠旨不准查辦其並未開放鎖鑰但審有違例雇替托故潛回無故先後散行止任一人押解以致脫逃者將違例雇替潛回散行之解役卽照故縱律與囚同罪至死減一等發落不准照舊例減囚罪二等間擬果係依法管解偶致疏脫審有確據者除短解兵役依律減二等治罪外將長解二名暫行監禁本官另選幹役押同原解之親屬上緊躡緝酌限一年如能限內拏獲審無賄縱別情仍將長解依

律減二等擬徒或限內無獲卽照逃犯本罪減一等問擬滿流他人捕得亦不准依律寬免簽差不慎之地方官視解役所得之罪分別議處

主守不覺失囚

原例

一押解新疆人犯中途脫逃係免死減等例應正法之盜犯除有心賄縱仍照與囚同罪例定擬外如係疎縱將解送官兵人役監禁俟緝獲逃犯治其應得之罪若一年限滿無獲將爲首者照逃犯本罪減一等問擬其餘爲從之犯仍照例減二等發落如係尋常遣犯卽將押解之兵役照徒流人逃本律杖六十

再加枷號一個月故縱賄縱者仍照律與囚同罪其由新疆改發烟瘴及黑龍江等處人犯如有疎縱亦照此分別辦理

臣等謹按道光四年閏七月內臣部遵

旨核議河南巡撫程祖洛奏押解新疆人犯中途脫逃將押解兵役作何治罪例未備載奏請查議通行一摺內稱查此條定例所稱將解役治其應得之罪係指限內掣獲逃犯將解役依律減二等問罪而言其限滿

無獲例止言分別首從減等並未將違例雇替及依法管解偶致疎脫兩項區分明晰以致引用未能盡一經臣部議請嗣後押解發遣新疆人犯中途脫逃係免死減等例應正法之盜犯除有心賄縱仍照與囚同罪律定擬外如審有違例雇替託故潛回或在途開放鎖鑰止圖便於行走以致脫逃並無故縱情弊者將押解兵役審明何人起意暫行監禁另選幹役押同該

兵役親屬跣緝給限百日限滿捕得將起
 意違例雇倩及開放鎖鐐之犯減逃犯本
 罪一等擬徒限滿無獲杖一百流二千里
 其餘押解兵役及代替之犯限內拏獲減
 逃犯本罪二等限滿無獲各減一等發落
 如係依法管解偶致疏脫該兵役等並無
 首從可分亦各暫行監禁以一年為限如
 係一年限內捕得者各減盜犯本罪二等
 限內無獲各減一等發落其押解尋常遣

犯脫逃仍依舊例照徒流人逃律杖六十
 加枷號一個月等因奏准通行在案應於
 例內修改明晰以便引用謹將修改例文
 開列於後

修改

一押解發遣新疆人犯中途脫逃係免死減等
 例應正法之盜犯除有心賄縱仍照與囚同
 罪律定擬外如審有違例雇替託故潛回或
 在途開放鎖鐐止圖便於行走以致脫逃並

無故縱情弊者將押解兵役暫行監禁另選
幹役押同該兵役親屬跣緝百日限內捕得
將起意違例雇倩託故潛回及開放鎖鑰之
犯減逃犯本罪一等問擬限滿無獲杖一百
流二千里其餘兵役及代替之人限內挈獲
各減逃犯本罪二等限滿無獲各減一等發
落如係依法管解偶致疏脫亦將該兵役等
暫行監禁一年限內捕得者各減逃犯本罪
二等限滿無獲各減一等發落如係尋常遣

犯脫逃將押解兵役照徒流人逃本律杖六
十再加枷號一個月故縱賄縱者仍照律與
囚同罪其由新疆改發烟瘴及黑龍江等處
人犯中途脫逃者亦照此分別辦理

主守不覺失囚

原例

一押解發遣新疆人犯中途脫逃係免死減等
例應正法之盜犯除有心賄縱仍照與囚同
罪律定擬外如審有違例雇替託故潛回或
在途開放鎖鑰止關便於行走以致脫逃並
無故縱情弊者將押解兵役暫行監禁另選
幹役押同該兵役親屬躡緝百日限內捕得
將起意違例雇倩託故潛回及開放鎖鑰之

犯減逃犯本罪一等擬徒限滿無獲杖一百
 流二千里其餘兵役及替代之人限內拏獲
 各減逃犯本罪二等限滿無獲各減一等發
 落如係依法管解偶致疏脫亦將該兵役等
 暫行監禁一年限內捕得者各減逃犯本罪
 二等限滿無獲各減一等發落如係尋常遣
 犯脫逃將押解兵役照徒流人逃本律杖六
 寸再加枷號一個月故縱賄縱者仍照律與
 囚同罪其由新疆改發烟瘴及黑龍江等處

人犯中途脫逃者亦照此分別辦理

修改

一押解發遣新疆人犯中途脫逃係免死減等
 例應正法之盜犯除有心賄縱仍照與囚同
 罪律定擬外如審有違例雇替託故潛回或
 在途開放鎖鑰止圖便於行走以致脫逃並
 無故縱情弊者將押解兵役暫行監禁另選
 幹役押同該兵役親屬躡緝百日限內捕得
 將起意違例雇倩託故潛回及開放鎖鑰之

犯減逃犯本罪一等擬徒限滿無獲杖一百
流二千里其餘兵役及代替之人限內掣獲
各減逃犯本罪二等限滿無獲各減一等發
落如係依法管解偶致疏脫亦將該兵役等
暫行監禁一年限滿捕得者各減逃犯本罪
二等限滿無獲各減一等發落如係尋常遣
犯脫逃將押解人等杖八十再加枷號一個
月故縱賄縱者仍照律與囚同罪其由新疆
改發烟瘴及黑龍江等處入犯中途脫逃者

亦照此分別辦理

續纂

一押解軍流罪犯中途脫逃押解兵役人等除
有受賄故縱情事仍從重定擬外如係依法
管押偶致疏脫者將押解兵役人等照配所
看守保甲例擬杖八十簽差不慎及押解之
員交部議處

同治九年

原律

知情藏匿罪人

以非親屬及罪人未到官者言

一凡他人犯罪事發官司差人追喚而

將犯罪之人

藏匿在家不行捕告及指引

逃所道路資給逃

衣糧送令隱匿者各減罪人

所犯各罪一等

指藏匿指其已逃他輾轉相送而隱藏罪人

知情轉送者皆坐

減罪人一等

不知者勿論○若

知官司追捕罪人而漏洩其事致令罪人得

以逃避者減罪人

所犯罪一等亦不給捕限

未斷之

間能自捕得者免之漏洩罪若他人捕得及罪人已死若自首又各減一等各字指他人捕得及因死自首

言

臣等謹按此指犯罪之人非常人所得容隱也首節定藏匿之罪凡知人犯罪事發官司差人追喚而將犯人藏匿在家不行捕執告官及指引道路資給衣糧送令隱避他所者此三項各減犯人之罪一等雖至死亦止減一等其輾轉相送藏匿罪人

之人知其犯罪事發之情者皆坐減犯人一等之罪不知情者不坐後節定漏洩之罪知官司有欲追捕之罪人而漏洩其事致令罪人得以逃避者亦減犯人罪一等坐之於未斷決之間或本身或家屬能自捕得者免罪若他人捕得及罪人已死若自首又得各減一等通減犯人罪二等再此律應與名例因人連累致罪之文參看如一人犯有數罪藏匿之人止知一罪者

以所知之罪減等坐之若親屬糾合同伴
外人俱來藏匿除親屬依律免罪減等外
仍擬藏匿外人之罪其事未發非官司追
捕而藏匿者止問不應

律云凡藏匿罪人者減罪人罪一等
若親屬藏匿者依律免罪減等外
仍擬藏匿外人之罪其事未發非官司
追捕而藏匿者止問不應

原律

知情藏匿罪人以非親屬及罪人未到官者言

一凡知他人犯罪事發官司差人追喚而將犯

藏匿在家不行捕告及指引逃道路資給

所衣糧送令隱匿他者各減罪人所罪一等

各字指藏匿指引資給其已逃他輾轉相送而隱藏罪

人知情轉送者皆坐藏罪人不知者勿論○

若知官司追捕罪人而漏洩其事致令罪人

得以逃避者減罪人所罪一等亦不給捕限未斷

之間能自捕得者免之漏洩罪若他人捕得及

罪人已死若自首又各減一等各字指他人捕得及囚死

自首說

臣等謹按總註內如犯數罪藏匿人止知

一罪以所知罪減等罪之若親屬糾合外

人藏匿親屬雖免罪減等外人仍科藏匿

之罪又其事未發非官司捕喚而藏匿者

止問不應皆可補律註之所未備應於第

一節各減罪人罪一等小註後補入謹將

增輯律註開列於後

一凡知他人犯罪事發官司差人追喚而將犯

人藏匿在家不行捕告及指引所道路資給

所衣糧送令隱匿他者各減罪人所罪一等

各字指藏匿指引資給說如犯數罪藏匿人止知一罪以所知罪減等罪之若親屬糾

合外人藏匿親屬雖免罪減等外人仍科藏匿之罪其事未發非官司捕喚而藏匿止問

不其已逃他展轉相送而隱藏罪人知情送

應其所有皆減罪人不知者勿論○若知官司追

捕罪人而漏洩其事致令罪人得以逃避者

知情藏匿

減罪人所犯罪一等亦不給捕限未斷之間能自捕

得者免漏洩罪若他人捕得及罪人已死若

自首又各減一等各字指他人捕得及囚死自首說

續纂

一宛平縣屬西山門頭溝地方開採煤窰該縣
設立即簿給發窰戶令將傭工人等姓名籍
貫來去緣由十日一報該巡檢查考並令西
路同知就近稽查如該窰戶不將各項工人
開報照脫漏戶口律治罪若各項工人有犯

竊犯賭或聚眾逞兇致成人命該窰戶知情
不行報究發覺之日除本犯按律治罪外該
窰戶照總甲容留棍徒例杖八十

此條係乾隆七年四月臣部議准順天府
尹蔣炳條奏定例

刑部題
刑部題
刑部題

知情藏匿罪人

原例

一宛平縣屬西山門頭溝地方開採煤窰該縣設立印簿給發窰戶令將傭工人等姓名籍貫來去緣由十日一報該巡檢考查並令西路同知就近稽查如該窰戶不將各項工人開報照脫漏戶口律治罪若各項工人有犯竊犯賭或聚眾逞兇致成人命該窰戶知情不行報究發覺之日除本犯按律治罪外該

三
卷一百一十五
道光四年
三
非人
窰戶照總甲容留棍徒例杖八十

臣等謹按道光二年六月內臣部審辦齊
二等開設鍋伙誘雇良民殘斃多命案內
究出西山一帶煤窰鍋伙有連夏鍋伙如
遇尋常工作負苦之人誰入鍋伙逼勒進
窰工作出窰後即關閉屋內嚴寒酷暑不
得脫身是為連夏鍋伙一經誰入即同黑
獄不惟陷害良民且恐兇徒逃犯藉此湮
跡藏身其流斃更甚至各窰鍋伙內所雇

工作之人遇有患病輒行擡棄以致凍餓
畢命甚至毆打垂斃亦即擡棄以致多被
犬獸殘食殊為殘慘議請嗣後連夏鍋伙
應嚴行查禁如仍違禁開設即照廣東福
建民人圖利關禁勒贖例以兇惡棍徒論
分別首從究辦窰戶知情縱令開設即照
藏匿罪人律治罪致斃人命者按律嚴行
究擬如各鍋伙內將患病之人忍心擡棄
及病故不即報官者一經查出即追究係

由某家擡棄某家匿報比照夫匠在工役
之所有病官司不給醫藥救療及地界內
有死人
不申報官司輒移他處律分別懲
辦又門頭村新駐縣丞管理煤窰是其專
責如有失察開設連夏鍋伙及致斃人命
並將病故之人私埋匿報等案卽加等議
處受財故縱者按枉法贓及故出人罪定
擬並纂入例冊等因具奏奉

旨刑部奏酌議煤窰鍋伙章程著順天府尹查看

該部所擬是否有益可行據實具奏等因欽此
旋據順天府議覆照臣部所議辦理並聲
明窰廠將病故之人私埋捏報該縣丞失
於查察之處請改爲照例議處等因覆奏
奉

旨依議欽此欽遵在案應於例內添纂明晰以資
引用再查該處從前係巡檢專管今順天
府尹奏明將巡檢之缺改爲縣丞管理所
有原例內巡檢字樣亦應修改謹將修改

大清律例
道光四年
例文開列於後

修改

宛平縣屬西山門頭溝地方開採煤窰該縣設立印簿給發窰戶今將傭工人等姓名籍貫來去緣由十日一報該縣丞考查並合西路同知就近稽查如該窰戶不將各項工人開報照脫漏戶口律治罪若各項工人有犯竊犯賭或聚眾逞兇致成人命該窰戶知情不行報究發覺之日除本犯按律治罪外該

窰戶照總甲容出棍徒例杖八十其有開設連夏鍋伙誑誘貧民逼勒入窰關緊不容脫身者照兇惡棍徒例分別首從科斷窰戶知情縱容者照知情藏匿罪人律治罪各窰鍋伙內若將工作患病之人忍心擡棄及病故不即報官者照夫匠在工役之所有病官司不給醫藥救療及地界內有死人不申報官司輒移他處律分別治罪其毆打致死者仍照謀故鬪殺各本律問擬該管縣丞失察開

設連夏鍋伙及致斃人命私埋匿報等案分別加等議處受財故縱者按在法贓及故出人罪各律嚴叅治罪得受規禮者計贓科斷失察病故之人私埋匿報者照例議處

知情藏匿罪人

續纂

一京城地方責成步軍統領衙門順天府五城各按所轄地面嚴飭所屬隨時訪查遇有興販吸食鴉片烟者無論滿洲漢人官民良賤一體查拿分別奏咨送交刑部審明治罪其客店廟宇會館如有知情窩藏留住或得賄縱容者查明按例懲治並嚴禁番役兵捕人等藉端訛索以省擾累

臣等謹按道光十九年五月內大學士軍機大臣會同各衙門及臣部議覆陞任鴻臚寺卿黃爵滋並各省將軍都統督撫及各科道條奏嚴禁鴉片烟章程一摺內稱京城地面五方雜處稽察尤應嚴密應責成步軍統領衙門順天府五城各按所轄地面嚴飭所屬隨時訪查遇有與販吸食者無論滿洲漢人官民良賤一體查拿分別奏咨送交刑部審明治罪其客店廟宇

會館如敢知情窩藏畱住或得賄縱容查明一律按例懲治並嚴禁番役兵捕人等藉端訛索以省擾累等因具奏奉

上諭照所議辦理並著纂入則例永遠遵行等因欽此謹纂輯專條以昭遵守

大清會典事例
卷一百一十九
刑部
三
三

知情藏匿罪人

刪除

一京城地方責成步軍統領衙門順天府五城各按所轄地面嚴飭所屬隨時訪查遇有興販吸食鴉片烟者無論滿洲漢人官民良賤一體查拿分別奏咨送交刑部審明治罪其客店廟宇會館如有知情窩藏畱住或得賄縱容者查明按例懲治並嚴禁番役兵捕人等藉端訛索以省擾累

大清會典事例
卷一百一十九
刑部
三
三

卷之八

...

...

...

...

...

...

...